



**ATASSUT**

**UPA 2017/119**

**Mala Høy Kúko**

**26. 04. 2017**

**Uunga siunnersuut: Piginnaanngorsaaqqinnissamut ikiorsiisarneq pillugu Inatsisartut peqqussutaata allanngortinneqarneranik Inatsisartut inatsisaat nr. xx, xxx 2017-imeersoq. (Qulaajaaniarluni ingerlassaq, eqaannerusumik suliffeqarneq, aamma aningaasarsianut tapiissutit) (Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalakkersuisoq)**

Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalakkersuisoq) Siullermeerinninneranut siunnersuut.

ATASSUT-miit imatut oqaaseqarfigissuarput.

ATASSUT-ip pingaartippaa Kalaallit Nunatsinni innuttaasut suliffissaqarnikut ineriartortitseqataaffigineqarlutik periarfissinneqartuarnissaat, pinngitsoorneqarsinnaanngilarmi inuttaasut suliffissamik sulerusulersitsinerlu tamatigut inerisarneqarnissaannik anguniarneqartuarnissaq. Taamaattumik Naalakkersuisut siunnersuutaat ATASSUT-minngaaniit tunngaviatigut tamakkiisumik taperserparput.

Naalakkersusiummi saqqummiussaminnik periarfissiissut siunertaqarluatuusoq takuneqarsinnaavoq. Imatut inuk ineriartornissaanut aqqusiorneqarsinnaanerannullu qulaajaanermik taallugu periarfissiisuummat.

Inuk sulilernissaminut piginnaanngorsartooq, tamatigut timikkut tarnikkullu peqqissutimut qanorluunniit inerisarneqarsinnaanera qularutissaanngilaq.

Taamaattumik oqaaseqatigiit ”Qulaajaanermik ingerlatsineq aamma piginnaanngorsaaqqinneq” siunnerfimmigut ineriartorfissatut aqqutissiineruvoq.

Aammattaaq sullissinermi taamaalilluni pitsannguutissanik sunniuteqarluartussaasoq, siunnersuummi takuneqarsinnaavoq.

Taakkartorneqartuni immikkut malunginiangassaavoq inunnt 40-t sinnerlugit ukiulinnut, atajuartutut sulisinnaassusaat annikillimasunut aningaasarsianut tapiissutit atajuaannartunngortinneqarsinnaanerat.

Tamannalu angerlarsimaffimmini taamatut ukioqalereersimasunut periarfissiissut pitsaasutut nalilerusupparput ATASSUT-minngaaniit, taamaalillutik angerlarsimaffik qimannikkaluarlugu ineriartoqqissinnaanerannut nunamilu suleqataasutut misigisimanissaa takutinneqarlunilu sunniuteqataaffigineqassaaq, inuk kinaluunniit tassunga killiffeqartoq taamatullu periarfissinneqartoq alloriaqqiffissamik ATASSUT-minngaannit tapersorparput. Soorlu Naalackersuisut oqariartuut saqqummiinerminnik tamanna oqaatigigaat.

Naalackersuisut saqqummiussaminnik oqaatigivaat inuussutissarsiornermi aningaasaqarnikkut allaffissornikullu oqilisaataasumik sunniuteqarnissaa pitsaaqutissartaqartoq.

Taamaattumik siunnersuut taamatut isikkoqartillugu ATASSUT-mit taperserlugu ataatsimiititaliamullu susassaartunut peqqissaartumik ingerlateqqinneqarnissaanik kissaassivugut.

Qujanaq!